



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Mariae Gratiani A Burgo S. Sepulchri Episcopi  
Amerini De Vita Joannis Francisci Commendoni Cardinalis  
Libri Quatuor**

**Graziani, Antonio Maria**

**Parisiis, 1669**

Cap. XVIII. De habitu corporis, valetudine, & morte ejus.

**urn:nbn:de:hbz:466:1-9616**

dit, nec destitit, donec Pontificis adactus imperio Commendonus munus Regium recepit. Ita factum, ut & liberalitas Regis, & Legati abstinentia egregiè constiterit. Hæc, atque alia hujusmodi multa abstinentis, atque integri animi documenta eò majori admiratione accepta, celebratique sunt, quò nos antea graviùs & cupiditatis infamiam apud exteris nationes premebamur. Nec parva in iis alienatarum gentium culpa residere creditur, qui ad eas in fide, atque in antiquæ sanctitatis officiis continendas missi, ita se turpium quæstuum, atque avaritiæ sordibus contaminarunt, ut Romanum nomen in magna acerbitate, atque invidia externis gentibus posuerint. Quæ maximè vnius virtute, atque abstinentiam deleta macula est.

*De habitu corporis, & valetudine,  
& morte ejus.*

### CAPUT XVIII.

**S**TATURA fuit justâ, erectâque, & minimè tardo incessu, facie decorâ, magnâmq[ue] gravitatem, ac dignitatem præferente, colore subfuscō, sed florido, & ferè rubentibus genis, barbâ, capillöque denso, & admodùm nigro; nigris item oculis, vegetisque, & acutâ, ac celeri acie; naso paulò eminentiore, & qui subridenti sponte, vt notari posset, moveretur: aures item mo-

biles habuit, & parvas, dentes raros, & minutos, adeo ut ultimâ ætate ab inferiori gingiva vix extarent: reliquis membris teretibus, & validis fuit, & toto corpore optimè constituto, ac firmo. Vini, cibique juxtâ modici, sed quem avidè, ac properè sumeret, neque in eo vlla lenocinia quærebat, vulgari, ac parabili contentus; somni adeò potens, ut & statim caperet cùm vellet, & quâcumque destinasset horâ abrumperet. Valetudine per omnem vitam est usus prosperrimâ: quippe cùm omnes Europæ provincias durissimis sèpè anni temporibus peragrasset, omnes itinerum labores, omnia peregrinantum incommoda pertulisset, languentem de via, aut ullo labore fatigatum nemo vñquam vedit; sed nec febrim vñquam sensit, nec ullo decubuit, aut omnino magnopere laboravit morbo, nisi quòd interdum animo linqui ad breve spatum soleret: quod tum ferè fiebat, cùm aut missum sanguinem, aut recens aspexisset vulnus, aut etiam cùm acrior cura animum ejus versaret; sed si vel paulùm modò quateretur sopitus, vel frigidâ aspergeretur, statim excitabatur, nihilo pristini vigoris deperdito: vnde neglectum ab ipso, ac ne indicatum quidem medicis est malum; adeò in nulla suspicione comitialis, aut omnino ullius gravioris morbi habuit. In gravescente ætate vires sumpsit, & cùm antè vix quinto aut sexto quoque anno semel sentiretur, jam frequentiùs, graviusque infestabat, nec tamen lädere vlla ex parte,

l. iiij

aut infirmare pristinum robur valetudinis videbatur. Sed insidiosum virus in occulto gliscens, animo quam corpori infestius grassari, atque ipsam sensim corrumpere, ac labefactare mentem, magis mirantibus ingenii, morum, naturae, vitaeque mutationem, quam satis intelligentibus causam, qui ei in doméstico ysu, ac familiaritate eramus. Quotidie molestior, iracundior, & sui impotentior fieri: quocumque cupidus impulisset, non ipse se inhibere, non alii moderari poterant; ipsa excellētissimarum virtutum ornamenta, quarum gloriā floruerat, elanguescere, atque adeò in contrarium verti, & ingenii vis omnis hebetari in dies videbantur, & ex diligenti medicorum consultatione adhibita remedia morbi vim, contumaciāque irritarunt; tanto enim impetu mox erupit, ut voce, spirituque abrepto, diu pro mortuo jacuerit, nec igne, nec ferro adhibito excitari, revocari que malo obruti sensus potuerint, donec ipsa per se desæviente, ac remittente peste, revixere tandem, ac suus corpori vigor rediit. Mens exinde illi numquam satis constitit, maximè ea pars dilapsa est animi, quæ reliquarum custos ingenii partium dicitur, ut vitiata, penitusque extincta memoriā, quā antea summā, & admirabili fuerat, & sui, & aliorum oblitiseretur. Quia solitudine maximè conturbari, afficique videbatur, adhibiti assidui custodes, qui cogitationibus defixum serendo sermones variè detinerent. Et ipse sicuti suā sponte haud facile silentium abrupisset, ita illatum ab

## COMMENDONI CARD. 439

alio sermonem arripiebat, protrahebatque spatian-  
do, ac loquendo longissimè, eadem assidue repe-  
tens; nec rem cœptam vñquam omisisset, nisi  
novo injecto sermone aliò de industria traductus  
fuisset, in eo semper insistens quod novissimè sub-  
jectum esset, priorum penitus immemor: nec ta-  
men seu narraret aliquid, seu differeret, ordinem  
non tenebat, ac ne solito quidem acumine ora-  
tio ejus carebat, sententiis quoque, verbisque apta,  
& cohærens, & si res postulasset, etiam salibus,  
jocisque distincta, sed iisdem se semper revolvens.  
Atque in hac miseria annum ferè transgit, mise-  
rantibus, & lacrymas ægrè comprimentibus qui  
in colloquium ejus admittebantur, recordantibus  
gravitatis, ingenii, eloquentiæ, & variarum, &  
pulcherrimarum rerum notitiæ, quâ tenere ho-  
minum aures, & sui admirationem facere erat so-  
litus. Ne Romæ infelicitas ejus spectaculo esset,  
& quia curandi spem aliquam tamen fovebamus,  
& oculendæ rei studebamus, lecticæ impositus  
Patavium est adductus. Ibi omnibus frustra adhi-  
bitis remediis, quintum post mensēm novā erum-  
pente vi morbi extinctus est. Ad viii. Kalendas  
Januarii, Natali die Christi, anno M. D. LXXXIV.  
ætatis suæ sexagesimo, sacris religiosè, ac piè, vt  
videbatur, cùm interfuisset, peractis iis capturus  
cibum confedit, & repente collapsis omnibus  
membris supinus cecidit. Strato illatus eum diem,  
& noctem insequentem juxtâ mentis, ac sensuum  
expers, atrocibus motibus, & colluctationibus vo-

III iii

## 440 DE VITA JO. FR. COMM. CARD.

Iutatus, postridie ejus diei, eâdem fermè horâ, quâ corripuerat eum morbus, fœdè, miserabiliterque oculis, atque ore distorto, ad vitæ finem pervenit, genere mortis, quale ipse minimè optaverat. Mentione enim aliquando Julii Cæsaris ortâ lentum exitum damnantis, subitumque, & inopinatum præferentis obitum, ipse longè præstare aiebat sensibus, ac mente integrâ decedere; magni scilicet æstimans, animum priùs morti componere, & Deum sibi per Christianæ disciplinæ sacra, piaculâque propitiare: Augustini dictum sœpè usurpans, Neminem, quamvis nullius criminis, delictique consciū sibi, committere debere, ut sine dolore offensi, aut certè non perinde, ac de humano genere mereretur, culti divini numinis è vita discederet. Elatus est nullo funeris honore, & in Capucinorum æde (nam vtrumque antè testamento ipse ita mandaverat) vulgari sepulcro est conditus.

FINIS LIBRI IV. ET VLTIMI.

